

nam tu sis horrida forma praeditus. Salvere te iubeo, Deorum maxime! Fave mihi! Dignoscere cupio te primaevum: haud praesagio equidem, quidnam pares.

ALMUM NUMEN loquitur:

32. DIES sum mundi eversor, adultus, mortales extinctum
huc profectus. Te solo excepto non superstites erunt, quot-
33. quot congressi in adversis exercitibus bellatores. Quare tu
age exsurge! carpe gloriam, devictis hostibus! Fruere im-
perio pleno! A me scilicet isti percussi iam olim: nil nisi
34. instrumentum esto tu, Ambidexter! Drônamque, Bhîsh-
mamque, Jayadrathamque, Karnam, nec non ceteros quoque
bellando fortes a me percussos tu feri! Noli perturbari! Pug-
na! Vinces proelio rivalet.

SANJAYAS loquitur:

35. Audito hoc sermone Pulcricomî, palmas suppliciter ten-
dens, tremens, Arjuna salvere iubens denuo affatus est Krish-
nam cum leni murmure, pavore attonitus, corpore inclinato:

ARJUNAS loquitur:

36. Stationem in te nactus, o sensuum domitor, honore suo
mundus gaudet ac dicto audiens est. Gigantes territi in di-
versas coeli plagas diffugiunt, omnesque te salutant Beatorum
37. catervae. Et cur te haud venerarentur, magnanime, po-
tiores BRACHMANE ipso, primaevum creatorem? O infinite!
Deorum princeps! mundi sedes! Tu es simplex illud ac indi-
38. viduum, enti ac non enti quod penitus subest. Tu es
Divus primaevus, GENIUS, antiquus; tu huius Universi exi-
mius thesaurus. Tu es omniscius ac scibile, summumque do-